

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA KAKANJ  
Općinsko vijeće**

**Broj:** 01/1-19-Z/22

**Kakanj,** 23.06.2022. godine

**Z A P I S N I K**

**sa 19. redovne sjednice Općinskog vijeća održane 23.06.2022. godine (četvrtak)  
u sali Općinskog vijeća sa početkom u 9:00 sati  
(sažetak zapisnika)**

Nakon intoniranja himne Bosne i Hercegovine 19. sjednicu Općinskog vijeća otvorio je Slaven Katičić, predsjedavajući Općinskog vijeća i pozdravio prisutne.

Predsjedavajući je zamolio da vijećnici i vijećnice prijave svoje prisustvo.

Vijećnici i vijećnice prisutni na sjednici:

Edin Aliefendić, Safet Šahman, Mejrema Purišević, Mediha Mamela, Omer Musić, Izudin Puščul, Nerma Aliefendić, Elvir Delibašić, Izudin Hrusto, Namir Talić i Džemal Bečirhodžić (**naknadno pristupio**) (**SDA**)

Vinka Aletović, Eldin Mijoč i Miroslav Spasojević (**SDP BiH**)

Mirsad Tursum, Zerina Kovač, Fakir Ajdinović i Sabit Čehajić (**S BiH**)

Dževdet Huskić, Behija Kulović i Branko Češljjić (**NS**)

Enver Merdić (**SBB BiH**)

Adnan Čobo i Armin Bašić (**DF**)

Slaven Katičić (**HDZ BiH**)

Mujo Fafulić - **nacionalnih manjina**

**Odsutni vijećnici:** Nedim Mušija (**SDA**), Mugdin Gorak (**SBB BiH**) i Ahmed Begić (**SDP BiH**)

Predsjedavajući je konstatovao da je na sjednici u momentu prijave prisutno 26 vijećnika i vijećnica, te da su se stekli svi potrebni uslovi za validan rad i odlučivanje Općinskog vijeća.

Pored vijećnika sjednici su prisustvovali:

**Mirnes Bajtarević**, općinski načelnik

**Ferdo Mijač**, sekretar Općinskog vijeća

**Džihad Berbić**, pomoćnik općinskog načelnika za finansije

**Bahrudin Arnaut**, pomoćnik općinskog načelnika za opću upravu radne i zajedničke poslove, lokalnu samoupravu i mjesne zajednice

**Alem Škulj**, ispred Službe za imovinskopravne, geodetske poslove i katastar nekretnina

**Zijad Neimarlija**, direktor Zavoda za planiranje i izgradnju općine Kakanj

**Mahir Sikira**, savjetnik općinskog načelnika

**Izviestioci, obrađivači, gosti:**

Fahrudin Buza, predsjednik UO JU „Dom zdravlja sa stacionarom“ Kakanj

Ajla Čobo, predsjednica Komisije za provođenje javnog nadmetanja – licitacije

Nataša Šarić, član UO JU Centar za socijalni rad Kakanj

## Predstavnici medija:

NTV IC Kakanj  
Radio Kakanj  
Kakanj Info

## Napomene o radu Kolegija Općinskog vijeća:

U pripremi 19. redovne sjednice Općinskoga vijeća, Kolegij Općinskog vijeća je 15.06.2022. godine, održao sjednicu na kojoj nije bilo inicijativa, prijedloga i drugih predstavki, te je samo utvrđen prijedlog dnevnog reda sjednica Vijeća.

## Usvajanje zapisnika sa 18. redovne sjednice Općinskog vijeća:

Nije bilo primjedbi na zapisnik sa 18. redovne sjednice Općinskog vijeća i isti je usvojen jednoglasno sa 22 glasa ZA.

## Komentari na dostavljene odgovore na vijećnička pitanja:

**Behija Kulović:** je komentarisala odgovor na vijećničko pitanje upućno TC Kakanj, a odnosilo se na povećan nivo prašine i širenje neugodnog mirisa u posljednje vrijeme. Kazala je da je odgovor sadržajno prazan i da više predstavlja teoretiziranje. Tražila je da TC Kakanj pristupi sistemskom rješavanju ovog i/ili sličnih problema, a ne da se rješenja traže od slučaja do slučaja.

**Vinka Aletović:** je komentarisala odgovor na pitanje u vezi najavljene obustave javnog linijskog prevoza i kazala da u odgovoru stoji da je formirana komisija sa zadatkom pripremanja odluke o subvencioniranju troškova javnog saobraćaja na području općine. Smatra da je komisija trebala za tekuću sjednicu Vijeća pripremiti predmetnu odluku, kako bi građani Kaknja trpili što manje štete zbog obustave javnog saobraćaja koja je u međuvremenu nastupila.

## Komentari na dostavljena mišljenja na vijećničke inicijative:

Nije bilo komentara na dostavljena mišljenja na podnesene vijećničke inicijative.

## Vijećnička pitanja:

**Behija Kulović:** je postavila dva vijećnička pitanja. Prvo je da li je u prioritetima zamjena rasvjetnih tijela i sijalica kod spomenika i osvjetljavanje mosta na raskrsnici kod Hife i spomenika koji je već neko vrijeme u mraku? Drugo pitanje je kad će se pristupiti izradi Gender akcionog plana 2022-2024. godina?

**Safet Šahman:** je postavio dva vijećnička pitanja i to u kojoj su fazi razgovori vezani za prekid autobusnih linija iz udaljenih mjesta sa područja naše općine i drugo kada će doći do realizacije planiranih projekata prema Brnjicu, obzirom da je primjetno da u posljednje dvije godine nije niti jedan projekat realizovan, osim probijanja puta koji nije pušten u funkciju?

**Dževdet Huskić:** je postavio dva vijećnička pitanja. Prvo je koliko vlasnika ili zakupaca poslovnih prostora u Kaknju plaća komunalnu naknadu Zavodu za planiranje i izgradnju općine Kakanj, te je tražio da mu se dostave kopije svih izdatih rješenja na osnovu kojih se uplaćuje komunalna naknada, a drugo pitanje je koja je namjena „tajanstvenog“ 4. sprata u zgradi Općine Kakanj?

**Branko Češljic:** je postavio dva vijećnička pitanja. Prvo pitanje je hoće li se zbog uranjene suše, propisno koristiti vodeni topovi kako bi se spriječilo širenje prašine s deponije uglja iznad naselja Čatići? Drugo pitanje je šta Općina Kakanj konkretno može poduzeti da do sad uništeno područje i prirodne resurse gornjeg toka rijeke Trstionice zaštiti od daljnjeg uništenja?

Predsjedavajući je konstatovao da je vijećnik Aldin Šljivo postavio vijećničko pitanje bez korištenja govornice.

**Aldin Šljivo:** je postavio vijećničko pitanje koliko puta i kada je posljednji put izvršeno sapiranje Ulice 311 lahke brigade u Kaknju na dionici od naplatnih kućica do kružnog toka u Kaknju, jer je predmetna dionica puta najprljaviji dio grada od raznih nečistoća koje se nalaze na kolovozu.

### **Vijećničke inicijative:**

**Safet Šahman:** je pokrenuo dvije vijećničke inicijative. Prva je za suzbijanje štete na privatnim poljoprivrednim imanjima koju nanose divlje svinje, pa je u tom smislu predložio da se pokuša u saradnji sa LD „Srndač“ Kakanj pronaći rješenje. Druga inicijativa je da se izvrši primopredaja prostorija ambulante Krševac ili da se oslobodi prostor ili da izvrši primopredaja Općini Kakanj, kako bi se MZ Krševac dobrovoljno odrekla ovog objekta i odustala od vlasništva.

**Behija Kulović:** je pokrenula dvije vijećničke inicijative. Prva je za uređenje parkinga i zelene površine kod zgrada u Ulici Šehida, jer se radi o frekventnoj ulici sa velikim brojem pješaka zbog blizine tri srednje škole. Veći dio ulice nema trotoar, a za stanare okolnih zgrada problem predstavlja neuređen parking prostor kod zgrade preko puta Gimnazije i neuređena i zapuštena zelena površina iza zgrade. Druga inicijativa je se odnosi na poboljšanje finansijskog statusa poslenika u JU „Gradska biblioteka“ Kakanj, te je s tim u vezi predložila da se u rebalansu Budžeta planiraju sredstva za tu namjenu i to iznos od 11.651,40 KM za deset mjeseci (na mjesečnom nivou 1.165,14 KM), kao i da se aneksom na postojeći ugovoru između Općine i Biblioteke, koji reguliše međusobna prava i obaveze, reguliše i način korištenja ovih sredstava.

**Vinka Aletović:** je pokrenula dvije vijećničke inicijative. Prva je za postavljanje zaštitne mreže na poligonu Grbavica u MZ Varda, jer je taj poligon svega nekoliko metara udaljen od stambenih objekata, pa zbog nedostatka zaštitne mreže često dolazi do razbijanja prozora na kućama, prljanja fasade, uništavanja ograde, ali i do povreda starijih osoba koje žive u neposrednoj blizini, a sve zbog sportskih aktivnosti koje se odvijaju na poligonu. Druga inicijativa se odnosi na ponovno aktueliziranje teme korištenja prirodnog resursa – termalni izvor Tičići. Napomenula je da je Stručna komisija još 2012. godine odredila potencijalni lokalitet u Bilješevu za izgradnju banjsko-lječilišnog i rekreativnog centra, te da su mnoge pripremne radnje već učinjene. Smatram da se svi relevantni faktori trebaju uključiti i učiniti maksimalne napore za pronalazak investitora kako bi ova blagodat bila iskorištena.

**Nerma Aliefendić:** je pokrenula vijećničku inicijativu da se izvrši uređenje i ograđivanje dječijeg igrališta pored rijeke u Tršću koje je od izgradnje postalo mjesto okupljanja djece, a kako bi se trend korištenja istog nastavio potrebno je izvršiti uklanjanje korova, čišćenje kanala pored igrališta i drugo. Osim pomenutog izražen je problem uništenja igrališta zbog ulaska životinja, pa bi radi zaštite igrališta i zasada oko igrališta poželjno bilo isto ograditi niskom ogradom, što bi ujedno povećalo i sigurnost djece obzirom da se s jedne strane nalazi cesta, a sa druge rijeka.

**Dževdet Huskić:** je pokrenuo dvije vijećničke inicijative. Prva je za sprovođenje čišćenja i uređenja ulica, kao i održavanje zelenih površina, korita rijeke Zgošće i igrališta, te obezbjeđenje njihovog redovnog održavanje na čitavom prostoru općine Kakanj. Kao razloge je naveo zapuštenost i nečistoća sporednih ulica, nekošenje zelenih površina i neodržavanje igrališta, u centru i na periferiji grada, a posebno je istakao problem nečistoće i održavanja saobraćajnica u prigradskim naseljima i selima. S tim u vezi je tražio da JP „Vodokom“ u saradnji sa nadležnim općinskim službama, poduzme sve neophodne aktivnosti kako bi se riješio navedeni problem. Druga inicijativa je da javna preduzeća usklade cijene usluga sa mogućnostima svojih korisnika, uvažavajući trenutnu ekonomsku situaciju u zemlji i svijetu, napominjući da su većina penzionera i nezaposlenih ekonomski ugroženi i svakodnevno se bore za opstanak i preživljavanje. U skladu s tim traži da Općina, nadležne službe i javna preduzeća osmisle model i način kako da pomognu najugroženijim kategorijama stanovništva.

**Izudin Pušćul:** je pokrenuo dvije vijećničke inicijative. Prva je za postavljanje zvučne izolacije od naplatnih kućica pored autoceste na onim dijelovima gdje autocesta prolazi pored naselja i to na cijelom području općine Kakanj gdje autoput prolazi kroz/pored naseljenog mjesta. Druga inicijativa je za čišćenje i okresavanje grmlja i drveća od naplatnih kućica u Kaknju do benzinske pumpe „Trgošped“, u cestovnom pojasu regionalne ceste. Podsjetio je da se radi o glavnom ulazu u Kakanj iz pravca autoceste, gdje se na obje strane puta nalazi grmlje i drveće koje smanjuje i ometa vidljivost učesnicima u saobraćaju. Također, neki od stubova ulične rasvjete su počeli zarastati u grmlje i drveće.

**Armin Bašić:** je pokrenuo vijećničku inicijativu za saniranje udarnih rupa i ulegnuća na putu od OŠ „15. april“ prema naselju Koprivnica, obzirom da predmetni put pripada MZ Doboje, a isti predstavlja glavnu komunikaciju za MZ Koprivnica, predstavnici MZ Doboje nemaju interes za delegiranje odgovarajućeg projekta za sanaciju spornog puta.

Predsjedavajući je konstatovao da su vijećnici Sabit Čehajić i Adnan Čobo podnijeli vijećničke inicijative bez korištenja govornice.

**Sabit Čehajić:** je pokrenuo vijećničku inicijativu da se u dijelu pored Veterinarske stanice postave usporivači brzine radi bezbjednosti djece kao i rješavanje proširenja raskrsnice za naselje Plandište na novoj saobraćajnici. Na pomenutoj raskrsnici smanjena je preglednost, a i širina puta prema Plandištu je neodgovarajuća za dvosmjerni saobraćaj.

**Adnan Čobo:** je pokrenuo dvije vijećničke inicijative. Prva je za osnivanje Javnog preduzeća „Gradski prijevoz“ Kakanj, s tim da se inicijativa razmotri od strane općinskog načelnika, nadležnih službi, građana i Općinskog vijeća. Druga inicijativa je da se konstatuje trenutno stanje planskih aktivnosti Općine Kakanj po pitanju uređenja korita rijeke Zgošće na dionici od mosta na „Crnoj rijeci“ do mosta na kraju naselja Zgošća, te da se u svakom slučaju iste nastave ili pokreću. U sklopu inicijative je predložio da nadležna služba da određene informacije ili podnese izvještaj o trenutnoj situaciji po ovom pitanju.

### **Utvrđivanje dnevnog reda:**

Predsjedavajući je za 19. redovnu sjednicu predložio dnevni red koji je usaglašen na sjednici Kolegija uz napomenu da je u međuvremenu pristigao dodatni materijal i to „Prijedlog odluke o izmjenama i dopunama Budžeta Općine Kakanj za 2022. godinu“, pa je predložio da se isti uvrsti u dnevni red sjednice kao tačka 1. dnevnog reda.

U diskusiji o dnevnom redu nije niko učestvovao i isti je usvojen sa 24 glasa ZA, 1 glas PROTIV, bez glasova UZDRŽAN.

### **Usvojeni dnevni red:**

1. Prijedlog odluke o izmjenama i dopunama Budžeta Općine Kakanj za 2022. godinu
2. Prijedlog odluke o utvrđivanju javnog interesa u MZ Čatići u svrhu izgradnje dječijeg igrališta
3. Prijedlog odluke o načinu i uslovima raspolaganja nekretninom – prodaji neposrednom pogodbom građevinskog zemljišta kupcu „Euro Group“ d.o.o. Kakanj
4. Razmatranje Izvještaja o radu Komisije za provođenje javnog nadmetanja – licitacije neizgrađenog građevinskog zemljišta u Kakanju sa prijedlogom zaključka o utvrđivanju visine naknade članovima Komisije
5. Prijedlog odluke o usvajanju Izvještaja Komisije za provođenje izbora u Mjesnoj zajednici Popržena Gora
6. Prijedlog odluke o potvrđivanju rezultata izbora i dodjeli mandata za članove Savjeta mjesne zajednice Popržena Gora
7. Prijedlog odluke o izdvajanju naselja Hrastovac i Slivanj iz sastava Mjesne zajednice Starposli i osnivanju Mjesne zajednice Hrastovac
8. Prijedlog odluke o raspisivanju i održavanju izbora za članove Savjeta u mjesnoj zajednici Hrastovac
9. Prijedlog rješenja o imenovanju Komisije za provođenje izbora u Mjesnoj zajednici Hrastovac
10. Prijedlog rješenja o imenovanju Komisije za procjenu prometne vrijednosti nekretnina
11. Prijedlog rješenja o razrješenju člana NO JU „Gradska biblioteka“ Kakanj
12. Prijedlog rješenja o privremenom imenovanju člana NO JU „Gradska biblioteka“ Kakanj
13. Prijedlog rješenja o razrješenju člana NO JU „Kulturno-sportski centar“ Kakanj
14. Prijedlog rješenja o privremenom imenovanju člana NO JU „Kulturno-sportski centar“ Kakanj
15. Razmatranje Izvještaja o radu JU Dom zdravlja Kakanj za Izvještajem o materijalno-finansijskom poslovanju za 2021. godinu
16. Razmatranje Plana rada i razvoja JU Dom zdravlja sa stacionarom Kakanj za 2022. godinu

17. Informacija o zdravstvenom stanju stanovništva općine Kakanj i Informacija o epidemijama za 2021. godinu
18. Izvještaj o radu JU Centar za socijalni rad Kakanj sa Finansijskim izvještajem za 2021. godinu

### **1. Prijedlog odluke o izmjenama i dopunama Budžeta Općine Kakanj za 2022. godinu**

**Predlagač:** općinski načelnik

**Obrađivač:** Služba za finansije

**Izjavitelj:** Džihad Berbić, pomoćnik općinskog načelnika

U diskusiji nije niko učestvovao i Vijeće je usvojilo Odluku o izmjenama i dopunama Budžeta Općine Kakanj za 2022. godinu sa 23 glasa ZA, 1 glas PROTIV i 2 glasa UZDRŽAN.

### **2. Prijedlog odluke o utvrđivanju javnog interesa u MZ Čatići u svrhu izgradnje dječijeg igrališta**

**Predlagač:** općinski načelnik

**Obrađivač:** Službe za imovinskopravne, geodetske poslove i katastar nekretnina

**Izjavitelj:** Alem Škulj, ispred Službe

U diskusiji nije niko učestvovao i Vijeće je jednoglasno sa 27 glasova ZA usvojilo Odluku o utvrđivanju javnog interesa u MZ Čatići u svrhu izgradnje dječijeg igrališta.

### **3. Prijedlog odluke o načinu i uslovima raspolaganja nekretninom – prodaji neposrednom pogodbom građevinskog zemljišta kupcu „Euro Group“ d.o.o. Kakanj**

**Predlagač:** općinski načelnik

**Obrađivač:** Službe za imovinskopravne, geodetske poslove i katastar nekretnina

**Izjavitelj:** Alem Škulj, ispred Službe za imovinskopravne, geodetske poslove i katastar nekretnina

U diskusiji nije niko učestvovao i Vijeće je jednoglasno sa 26 glasova ZA usvojilo Odluku o načinu i uslovima raspolaganja nekretninom – prodaji neposrednom pogodbom građevinskog zemljišta kupcu „Euro Group“ d.o.o. Kakanj.

### **4. Razmatranje Izvještaja o radu Komisije za provođenje javnog nadmetanja – licitacije neizgrađenog građevinskog zemljišta u Kaknju sa prijedlogom zaključka o utvrđivanju visine naknade članovima Komisije**

**Predlagač:** općinski načelnik

**Obrađivač:** Službe za imovinskopravne, geodetske poslove i katastar nekretnina

**Izjavitelj:** Ajla Čobo, predsjednica Komisije za provođenje javnog nadmetanja – licitacije

U diskusiji nije niko učestvovao i Vijeće je jednoglasno sa 27 glasova ZA usvojilo Zaključak o prihvatanju Izvještaja o radu Komisije za provođenje javnog nadmetanja – licitacije neizgrađenog građevinskog zemljišta u Kaknju i utvrđivanju visine naknade članovima Komisije.

Predsjedavajući je predložio da se objedini rasprava po tačkama 5. i 6. dnevnog reda, a da se glasanje obavi pojedinačno.

### **5. Prijedlog odluke o usvajanju Izvještaja Komisije za provođenje izbora u Mjesnoj zajednici Popržena Gora**

### **6. Prijedlog odluke o potvrđivanju rezultata izbora i dodjeli mandata za članove Savjeta mjesne zajednice Popržena Gora**

**Predlagač:** općinski načelnik

**Obrađivač:** Služba za opću upravu, radne i zajedničke poslove, lokalnu samoupravu i mjesne zajednice

**Izjavitelj:** Bahrudin Arnaut, pomoćnik općinskog načelnika

U diskusiji nije niko učestvovao i Vijeće je jednoglasno sa 26 glasova ZA usvojilo Odluku o prihvatanju Izvještaja Komisije za provođenje izbora u Mjesnoj zajednici Popržena Gora i Odluku o potvrđivanju rezultata izbora i dodjeli mandata za članove Savjeta mjesne zajednice Popržena Gora.

Predsjedavajući je predložio da se objedini rasprava po tačkama 7. i 8. dnevnog reda, a da se glasanje obavi pojedinačno.

#### **7. Prijedlog odluke o izdvajanju naselja Hrastovac i Slivani iz sastava Mjesne zajednice Starposli i osnivanju Mjesne zajednice Hrastovac**

#### **8. Prijedlog odluke o raspisivanju i održavanju izbora za članove Savjeta u mjesnoj zajednici Hrastovac**

**Predlagač:** općinski načelnik

**Obrađivač:** Služba za opću upravu, radne i zajedničke poslove, lokalnu samoupravu i mjesne zajednice

**Izjavitelj:** Bahrudin Arnaut, pomoćnik općinskog načelnika

U diskusiji nije niko učestvovao i Vijeće je jednoglasno sa 25 glasova ZA usvojilo Odluku o izdvajanju naselja Hrastovac i Slivanj iz sastava Mjesne zajednice Starposli i osnivanju Mjesne zajednice Hrastovac, te jednoglasno sa 26 glasova ZA je usvojena Odluka o raspisivanju i održavanju izbora za članove Savjeta u mjesnoj zajednici Hrastovac.

#### **9. Prijedlog rješenja o imenovanju Komisije za provođenje izbora u Mjesnoj zajednici Hrastovac**

**Predlagač:** Komisija za izbor i imenovanje

**Obrađivač:** Stručna služba za poslove Općinskog vijeća

**Izjavitelj:** Edin Aliefendić, predsjednik Komisije

U diskusiji nije niko učestvovao i Vijeće je sa 22 glasa ZA, 3 glasa PROTIV i 1 glas UZDRŽAN usvojilo Rješenje o imenovanju Komisije za provođenje izbora u Mjesnoj zajednici Hrastovac u sastavu: predsjednik Bahrudin Arnaut, članovi Sedin Karahodžić i Avdo Kovač.

#### **10. Prijedlog rješenja o imenovanju Komisije za procjenu prometne vrijednosti nekretnina**

**Predlagač:** Komisija za izbor i imenovanje

**Obrađivač:** Stručna služba za poslove Općinskog vijeća

**Izjavitelj:** Edin Aliefendić, predsjednik Komisije

**Edin Aliefendić:** je predložio da sastav Komisije za procjenu prometne vrijednosti nekretnina bude: Esmir Čobo – predsjednik, Elmir Škulj i Ernest Zakušek – članovi.

U diskusiji je učestvovao Dževdet Huskić.

**Dževdet Huskić:** je rekao da ne može podržati predloženo imenovanje iz razloga što u prijedlogu nema ženskog člana Komisije. Smatra da u Kaknju ima kvalifikovanih i stručnih žena koje bi mogle biti imenovane u predmetnu Komisiju, pa je u tom kontekstu pozvao nadležne da pristupe izradi Gender akcionog plana kojim bi se ovakve stvari riješile.

Nakon diskusije Vijeće je usvojilo Rješenje o imenovanju Komisije za procjenu prometne vrijednosti nekretnina u sastavu: Esmir Čobo – predsjednik, Elmir Škulj i Ernest Zakušek – članovi, sa 18 glasova ZA, 6 glasova PROTIV i 2 glasa UZDRŽAN.

Predsjedavajući je predložio da se objedini rasprava po tačkama 11. i 12. dnevnog reda, a da se glasanje obavi pojedinačno.

#### **11. Prijedlog rješenja o razrješenju člana NO JU „Gradska biblioteka“ Kakani**

#### **12. Prijedlog rješenja o privremenom imenovanju člana NO JU „Gradska biblioteka“ Kakani**

**Predlagač:** Komisija za izbor i imenovanje  
**Obradivač:** Stručna služba za poslove Općinskog vijeća  
**Izjavitelj:** Edin Aliefendić, predsjednik Komisije

**Edin Aliefendić:** je predložio da se sa pozicije člana NO JU „Gradska biblioteka“ Kakanj razriješi Azra Čišija, na lični zahtjev, te je predložio da se privremeno, do okončanja konkursne procedure na poziciju člana NO JU „Gradska biblioteka“ Kakanj, imenuje Helmina Murtić.

U diskusiji je učestvovao Dževdet Huskić.

**Dževdet Huskić:** je rekao da imenovanje žena na javne funkcije treba riješiti sistemski, a ne da djeluje da muški nešto daju ženama.

**Edin Aliefendić:** je pojasnio da prethodno imenovana Komisija je stručna komisija i da je posao, nadležnost i kvalifikacija članova iste propisana Zakonom, te da zbog tih ograničenja nema prostora da se govori o imenovanju žena ili muškaraca u tu Komisiju.

Nakon diskusije Vijeće je usvojilo Rješenje o razrješenju Azre Čišija - člana NO JU „Gradska biblioteka“ Kakanj sa 24 glasa ZA, 1 glas PROTIV i 2 glasa UZDRŽAN, te Rješenja o privremenom imenovanju Helmine Murtić za člana NO JU „Gradska biblioteka“ Kakanj, sa 23 glasa ZA, 1 glas PROTIV i 1 glas UZDRŽAN.

Predsjedavajući je predložio da se objedini rasprava po tačkama 13. i 14. dnevnog reda, a da se glasanje obavi pojedinačno.

### **13. Prijedlog rješenja o razrješenju člana NO JU „Kulturno-sportski centar“ Kakanj**

### **14. Prijedlog rješenja o privremenom imenovanju člana NO JU „Kulturno-sportski centar“ Kakanj**

**Predlagač:** Komisija za izbor i imenovanje  
**Obradivač:** Stručna služba za poslove Općinskog vijeća  
**Izjavitelj:** Edin Aliefendić, predsjednik Komisije

**Edin Aliefendić:** je predložio da se sa pozicije člana NO JU „Kulturno-sportski centar“ Kakanj razriješi Azra Čišija, na lični zahtjev, te je predložio da se privremeno, do okončanja konkursne procedure na poziciju člana NO JU „Kulturno-sportski centar“ Kakanj, imenuje Ilhana Alajbegović.

U diskusiji nije niko učestvovao pa je Vijeće usvojilo Rješenje o razrješenju Azre Čišija - člana NO JU „Kulturno-sportski centar“ Kakanj sa 25 glasova ZA, 1 glas PROTIV i 1 glas UZDRŽAN, te Rješenja o privremenom imenovanju Ilhane Alajbegović za člana NO JU „Kulturno-sportski centar“ Kakanj, sa 21 glasom ZA, 1 glas PROTIV i 4 glasa UZDRŽAN.

### **15. Razmatranje Izveštaja o radu JU Dom zdravlja Kakanj za Izveštajem o materijalno-finansijskom poslovanju za 2021. godinu**

**Predlagač:** UO JU Dom zdravlja Kakanj  
**Obradivač:** UO JU Dom zdravlja Kakanj  
**Izjavitelji:** Fahrudin Buza, predsjednik UO i Mirsad Tursum, direktor JU Dom zdravlja Kakanj

U diskusiji nije niko učestvovao i Vijeće je usvojilo Zaključak o prihvatanju Izveštaja o radu JU Dom zdravlja Kakanj za Izveštajem o materijalno-finansijskom poslovanju za 2021. godinu, sa 22 glasa ZA, bez glasova PROTIV i 4 glasa UZDRŽAN, dok se vijećnik Tursum izuzeo od glasanja.

### **16. Razmatranje Plana rada i razvoja JU Dom zdravlja sa stacionarom Kakanj za 2022. godinu**

**Predlagač:** UO JU Dom zdravlja sa stacionarom Kakanj  
**Obradivač:** UO JU Dom zdravlja sa stacionarom Kakanj  
**Izjavitelji:** Fahrudin Buza, predsjednik UO i Mirsad Tursum, direktor JU Dom zdravlja sa stacionarom Kakanj

U diskusiji nije niko učestvovao i Vijeće je usvojilo Zaključak o prihvatanju Izvještaja o radu JU Dom zdravlja Kakanj za Izvještajem o materijalno-finansijskom poslovanju za 2021. godinu, sa 22 glasa ZA, bez glasova PROTIV i 4 glasa UZDRŽAN, dok se vijećnik Tursum izuzeo od glasanja.

U diskusiji je učestvovao Dževdet Huskić.

**Dževdet Huskić:** je rekao da usvajanje godišnjih planova i programa rada u pola tekuće godine nije dobra praksa i da bi isti trebali biti spremni na početku godine. Zbog toga je postavio pitanje da li je nešto od zacrtanih programskih ciljeva već realizovano, obzirom da je proteklo pola perioda na koji se Plan rada odnosi.

**Mirsad Tursum (odgovor):** se zahvalio radnicima Doma zdravlja na uspješno završenoj godini koju je ocijenio teškom. Složio se da izvještaj o radu treba da bude završen sa 31.12., što je i bilo tako, ali zbog mišljenja nezavisnog revizora koje je završeno tek u martu, isti nije bio kompletiran, te se nije mogao naći na sjednici Vijeća. Rekao je da je dosta od planiranog realizovano, te je naveo finansijsku konsolidaciju, zatim informatizaciju, nabavku biohemijskog aparata za laboratoriju i veći broj manje opreme, kao i da je završen dobar dio aktivnosti oko povećanja sigurnosti i kvalitete u zdravstvu. Još je napomenuo da su 24 radnika pohađala tromjesečnu edukaciju iz oblasti urgentne medicine, te da je u planu upućivanje doktora na specijalizaciju, kao i prijem novih doktora.

**Dževdet Huskić:** je naglasio da se njegova diskusija nije odnosila na Izvještaj o radu, niti Izvještaj o finansijskom poslovanju za 2021. godinu, već isključivo na Plan rada i razvoja koji se usvaja nakon što je proteklo pola godine.

Nakon diskusije Vijeće je usvojilo Zaključak o prihvatanju Plana rada i razvoja JU Dom zdravlja sa stacionarom Kakanj za 2022. godinu, jednoglasno sa 25 glasova ZA, a vijećnik Tursum se izuzeo od glasanja.

### **17. Informacija o zdravstvenom stanju stanovništva općine Kakanj i Informacija o epidemijama za 2021. godinu**

**Predlagač:** UO JU Dom zdravlja sa stacionarom Kakanj

**Obradivač:** UO JU Dom zdravlja sa stacionarom Kakanj

**Izjestoci:** Ibrahim Aličković, šef HES-a u JU Dom zdravlja sa stacionarom Kakanj

U diskusiji je učestvovao Dževdet Huskić.

**Dževdet Huskić:** se zahvalio šefu HES-a na iscrpnom obrazloženju i dokument ocijenio kao jedan od najvažnijih koji se u toku godine razmatra na Vijeću. Ključnim dijelom dokumenta smatra preporuke koje su napisane od stručnog lica i u skladu sa stvarnim stanjem na području općine. Međutim, rekao je da je primjetno da se te preporuke ponavljaju, što je znak da se iste ne uzimaju za ozbiljno, te je pozvao Vijeće i općinskog načelnika da, kad je u pitanju zdravlje, se posveti više pažnje preporukama struke.

Nakon diskusije Vijeće je jednoglasno sa 25 glasova ZA usvojilo Zaključak o prihvatanju Informacije o zdravstvenom stanju stanovništva općine Kakanj i Informacije o epidemijama za 2021. godinu.

### **18. Izvještaj o radu JU Centar za socijalni rad Kakanj sa Finansijskim izvještajem za 2021. godinu**

**Predlagač:** UO JU Centar za socijalni rad Kakanj

**Obradivač:** UO JU Centar za socijalni rad Kakanj

**Izjestoci:** Nataša Šarić, član UO i Fakir Ajdinović, direktor JU Centar za socijalni rad Kakanj

U diskusiji nije niko učestvovao i Vijeće je usvojilo Izvještaj o radu JU Centar za socijalni rad Kakanj sa Finansijskim izvještajem za 2021. godinu, sa 23 glasa ZA, bez glasova PROTIV i 4 glasa UZDRŽAN.



Predsjedavajući je zaključio rad 19. redovne sjednice Općinskog vijeća u 11:05 sati.

Audiozapis sa sjednice Vijeća pohranjen je u elektronskoj formi (CD-u) i sastavni je dio ovog Zapisnika.

**SEKRETAR  
OPĆINSKOG VIJEĆA**  
Ferdo Mijač

**PREDSJEDAVAJUĆI  
OPĆINSKOG VIJEĆA**  
Slaven Katičić